

## Skýrsla stjórnar fyrir 2010

### *Byggð á samantekt formanns í Jólablaði Keflavíkur 2010*

Töluverðar breytingar urðu á starfi Sunddeildar Keflavíkur á árinu. Samstarf við félaga okkar í Sunddeild Njarðvíkur var aukið til muna og starfa nú báðar sunddeildirnar saman undir merkjum Sundráðs ÍRB frá okkar yngstu sundmönnum til þeirra elstu. Samstarf deildanna hefur í alla staði gengið vel og höfum við saman á að skipa sundliði sem er í fremstu röð á landinu og er í stöðugri framför. Í ágúst var ákveðið að ráða nýjan yfirþjálfsara í fullt starf þar sem Steindór Gunnarsson kaus að stíga til hliðar sem yfirþjálfsari en hann hefur starfað sem slíkur í hart nær áratug. Hann ákvað að snúa sér að þjálfun okkar yngri sundmanna og gerir hann það með miklum sóma eins og við var að búast. Við hjá Sunddeild Keflavíkur viljum þakka Steindóri fyrir frábært starf sem yfirþjálfsari og þann árangur sem liðið náði undir hans forystu. Í júní síðastliðnum var gengið frá samningi við nýjan yfirþjálfsara, Anthony Kattan, sem mun hafa umsjón með starfi allra æfingahópa ÍRB auk þess að sjá um þjálfun á afrekshópsins. Anthony er 27 ára að aldri, fæddur Breti, en flutti um 10 ára gamall til Nýja Sjálands. Þar gerði hann garðinn frægan sem þjálfsari sundliðsins North Shore, fyrst sem þjálfsari og síðan sem yfirþjálfsari aldurshópa og var sem slíkur valinn þjálfsari ársins á Nýja Sjálandi. Hjá North Shore öðlaðist Anthony mikla reynslu, þar sem hann vann með sundþjálfurum í fremstu röð, sem hafa m.a. þjálfað sundmenn á borð við Katie Sexton, heimsmeistara í 200 baksundi og Moss Burmester, heimsmeistara í 200 m flugsundi. Það er mikill fengur fyrir okkur að fá Anthony til liðs við okkur, hann er mjög metnaðargjarn og árangursmiðaður en leggur um leið mikla áherslu á góðan liðsanda og að það sé gaman að æfa og keppa, maður að okkar skapi.

Á Íslandmeistaramótinu í 50 metra laug sem var haldið í Laugardalslauginni í mars vann sundfólk ÍRB sigur í fjórum greinum. Mörg góð sund litu dagsins ljós á þessu móti og góð stemming var hjá sundfólkini. Þeir sundmenn liðsins sem eru að æfa í Bandaríkjunum áttu ekki heimangengt að þessu sinni og því var nokkuð kynslóðabil í liðinu okkar. Bjart er þó framundan hjá okkur því yngra sundfólkioð okkar var að gera fína hluti og á eftir að láta ljós sitt skína í framtíðinni. Einn sundmaður ÍRB náði lágmörkum í unglingslandslið SSÍ. Þar var á ferðinni Jóhanna Júlíusdóttir sem synti frábært 200 metra fjórsund og náði um leið lágmörkum í unglingslandslið SSÍ. Þeir sundmenn sem unnu til Íslandsmeistararatitla voru þeir Davíð Hildberg Aðalsteinsson sem vann sigur í 50 og 200 metra baksund og Kristinn Ágúst Gylfason en hann vann sigur í 100 og 200 metra flugsundi. Fjölmargir aðrir sundmenn komust á pall og er greinilegt að við eignum hér sundmenn í fremstu röð innan okkar raða.

Í apríl var haldið páskamót í vatnaveröld fyrir okkar yngstu sundmenn og tókst mótið mjög vel.

Um miðjan maí héldum við okkar árlega Sparisjóðsmót í Vatnaveröld í Reykjaneshá. Mótið byrjaði á föstudagi en þá fá okkar yngstu sundmenn að njóta sín og er jafnan mikið fjör í lauginni þennan dag. Í lok dags var svo farið í hinn sívinsæla sjóræningjaleik sem ávallt vekur mikla lukku. Á laugardeginum og sunnudeginum taka svo eldri sundmenn við en í aldurflokknum 12 ára og yngri er keppt í 25 metra laug en 13 ára og eldri keppa í 50 metra laug. Mörg mótsmet felldu í ár og nokkur aldursflokkamet voru einnig sett á mótinu. Mikil stemmning var á mótinu í ár eins og undanfarin ár og er þetta móti gríðarlega vinsælt þar sem 539 sundmenn voru þarna samankomnir frá alls 14 félögum. Stigahæstu sundmenn mótsins voru í kvennaflokki Eygló Ósk Gústafsdóttir Ægi og í karlaflokki Davíð Hildberg Aðalsteinsson ÍRB. Í drengjaflokki var Kristinn Þórarinsson Fjölni stigahæstur og í telpnaflokki var Rebekka Jaferian Ægi stigahæst.

Bikarkeppni Sundsambands Íslands í 50 metra laug fór fjórða árið í röð fram í Vatnaveröld í Reykjaneshá í lok maí. Tókst mótauhald í alla staði vel enda erum við nú orðin vön að halda stór móti í lauginni okkar. Okkar lið enduðu í 2. sæti í kvennaflokki og í 3. sæti í karlaflokki. Þó við hefðum viljað

gera betur þá erum við með ungt lið og erum að fara í gegnum kynslóðaskipti þannig að það munu ekki líða mörg ár þangað til við hömpum bikarmeistaritum að nýju!

Til að halda móti að þessum stærðargráðum er nauðsynlegt að hafa samstilltan hót foreldra en við hjá sunddeildinni eru heppin að hafa frábært fólk sem skilar þessari vinnu ár eftir ár með miklum sóma. Við viljum þakka öllum sem lögðu hönd á pláginn; foreldrum, starfsfólk Vatnaveraldar, starfsfólk Holtaskóla og okkar helstu styrktaraðilum, Sparisjóðinum í Keflavík, Reykjanesbæ, Nettó og Sigurjóni í Sigurjónsbakarí.

Það voru ekki bara yngri sundmenn sem hafa látið ljós sitt skína á árinu því Sigmar Björnsson tók þátt í Íslandsmóti Garpa á Siglufirði í maí. Hann synti í flokki 50-54 ára og stóð sig frábærlega. Sigmar heldur merki íRB á lofti hjá görpunum og á mikinn heiður skilið fyrir það. Hann var Íslandsmeistari í 100 og 200 metra bringusundi, 100 metra fjórsundi og var í öðru sæti í 50 metra bringusundi.

Glæsilegur árangur.

Fyrstu helgina í júní héldu Höfrungar og Hákarlar sunddeilda íRB til Akraness til að taka þátt í Akranesleikunum. Mótið var haldið í útilaug og voru veðurguðirnir okkur afar hliðhollir allan tímam. Allir sundmenn íRB, sem voru tuttugu talsins, bættu tímana sína og náðu nokkrir lágmörkum fyrir Aldursflokkameistarmót Íslands. Gaman var að sjá góðan árangur sundkrakkanna eftir æfingar vetrarins. Keppendur okkar voru til fyrirmynðar í alla staði og skemmtu sér vel á frábæru móti.

Í lok júní var svo Aldursflokkameistaramótið í sundi og var það haldið í Ásvallarlaug í Hafnarfirði. Mótið fór vel fram og litu mörg flott sund dagsins ljós. Lið íRB hafnaði í öðru sæti á mótinu annað árið í röð en við stefnum ótrauð að hampa titlinum á næsta ári. Flesta Íslandsmeistaritla einstaklinga hjá íRB vann Jóhanna Júlíusdóttir en hún vann alls fimm greinar. Í lok móts þá voru þeir sundmenn sem bestum árangri náðu í hverjum aldursflokkverðlaunaðir og þar bar Ólöf Edda Eðvarðsdóttir sigur úr býtum í flokki telpna 13 - 14 ára, en hún sigrði jafnframtíð í þremur greinum á mótinu. Telpnasveit íRB setti nýtt íslandsmet telpna í 4 x 100m fjórsundi, en sveitina skipuðu þær íRís Dögg Ingvadóttir, Ólöf Edda Eðvarðsdóttir, Jóhanna Júlíusdóttir og Hólmsfríður Rún Guðmundsdóttir. Lið íRB var jafnframtíð valið prúðasta liðið á mótinu og hlaut að launum stærðar nammiskál sem féll í góðan jarðveg hjá breyttum sundmönnum. Margir ungir sundmenn voru að synda á sínu fyrsta AMÍ og stóðu þeir sig mjög vel og er ljóst að framtíðin er björt hjá okkur.

Í byrjun júlí fóru tvær af okkar ungu og efnilegu sundkonum til Noregs til að keppa á Norðurlandamóti Æskunnar en það voru þær Jóhanna Júlíusdóttir og Ólöf Edda Eðvarðsdóttir. Þær stóðu sig vel og voru okkur til sóma.

Í ágúst var farið í æfingarferð til Benidorm á Spáni. Í ferðinni voru krakkar á aldrinum 12 ára og eldri. Þessi ferð var í raun fyrsta verkefni sem nýr yfirþjálfari fékk en hann hitti liðið þarna úti og stjórnaði æfingunum með dyggrí aðstoð frá Eðvarði Þór. Liðið æfði að jafnaði 2 sinnum á dag í þá 10 daga sem það var á Spáni. Æfingarnar gengu vel fyrir sig og var vel tekið á því og var sá tími sem ekki fór í æfingar notaður vel til hvíldar á sundlaugarbakkanum. Það var farið í tvær skemmtilegar ferðir þar sem farið var í Terra Mitica, sem er leikjagarður þar sem allir gátu fundið eitthvað við sitt hæfi, einnig var farið í vatnsleikjagarð þar sem sundmennirnir okkar voru ekki enn búrir að fá nóg af vatni í ferðinni.

Íslandsmeistaramótið í 25 metra laug fór fram um miðjan nóvember í Laugardagslauginni í Laugardal. 30 sundmenn frá íRB syntu á mótinu allt frá aldrinum 12 ára til 23 ára. Sundmennirnir stóðu sig mjög vel og var mikið um bætingar á mótinu. Við áttum marga sundmenn á verðlaunapalli þótt engir Íslandsmeistaritlar hafi komið til okkar í ár. Telpnasveitin okkar settin enn eitt telpnametið þegar þær syntu 200 metra fjórsund boðsund á tímanum 2.06.89. Glæsilegur árangur hjá stelpunum okkar.

Einnig má taka fram að sundlið ÍRB hefur tekið þátt í mörgum minni mótaum í ár og höfum við verið að standa okkur vel á þeim mótaum og hafa krakkarnir okkar ávallt verið til fyrirmynadar, bæði í lauginni og á bakka. Til að mynda unnum við stigakeppnina á Gullmóti KR 9. árið í röð.

Í Nóvember var haldið í fyrsta sinn vinamót með Breiðablik fyrir yngstu sundmenn félaganna þar sem þeir komu til okkar. Á eftir fóru svo allir saman og borðuðu pizzu í nýja félagsheimilinu okkar. Mótið tókst vel og er það á stefnuskránni að um frekari samstarf deildanna verði.

Í nóvember var nýr hópur settur á en það er Eldri hópur. Í þennan hóp falla þeir sundmenn sem vilja byrja að æfa sund ef þeir eru 13 ára eða eldri og þeir eldri sundmenn sem hafa ekki tíma í að vera í afrekshópum sem krefjast mikillar ástundunnar og eljusemi. Eldri hópurinn mætir sex sinnum í viku og eru þeir á æfingum bæði með Afrekshópnum og Framtíðarhópnum. Tveir þjálfarar koma því að hópnum, þeir Anthony og Eddi. Þá geta þeir sem eru í Eldri hópi einnig nýtt sér þær lyftingaræfingar sem boðið er upp á ef þeir kjósa. Eins og áður þá eru Afreks- og Framtíðarhópur tveir efstu keppnishóparnir en þeir sem eru í Eldri hópi eru einnig hvattir til að keppa á mótaum þó það sé ekki skylda. Það er gaman að segja frá því að nú þegar hafa nokkrir eldri sundmenn sem hættu fyrir nokkrum árum að æfa byrjað að æfa aftur og hafa æfingarnar gengið mjög vel og þátttakan verið framar vonum.

Um leið var færsla á milli sundhópa hjá ÍRB endurskipulögð með nýju skipuriti.

Í desember voru svo nokkur metamót haldin auk jólamóts fyrir okkar yngstu sundmenn. Mótin gengu í alla staði mjög vel og viljum við þakka öllum þeim sem lögðu hönd á plóbinn.

Í desember keppti Jóhanna Júlía á NMU og stóð hún sig þar með miklum sóma og bætti hún sund sín mikið. Hún synti í 100 metra skriðsundi á tímanum 1.00.35 og bætti tímann sinn síðan á ÍM25 um tæpa 1 sekúndu. Hún synti einnig í 100 metra flugsundi í gær og var þá á tímanum 1.06.22 og bætti hún tímann sinn um 2,5 sekúndur. Hún keppti einnig í 200 metra fjórðundi en þar var hún dæmd ógild. Það er alltaf ánægjulegt að sjá þegar fulltrúar okkar hjá ÍRB bæta árangur sinn þegar þeir eru að synda á erlendum stórmótum og eru þannig félagi sínu og landi til sóma. Frábær árangur hjá Jóhönnu Júlú.

Jóna Helena Bjarnadóttir var valinn sundmaður Keflavíkur og var svo í hófi sem var haldið af Íþróttabandalagi Reykjanesbæjar þann 31.12 2010 valin sundmaður Reykjanesbæjar.

Það má segja að framtíðin sé björt hjá okkur í sundinu og eru væntingar okkar til næsta sundárs miklar. Þær breytingar sem gerðar hafa verið á skipulagi sunddeildarinnar með auknu samstarfi við sunddeild Njarðvíkur gefur okkur aukin tækifæri ekki eingöngu til vaxtar heldur einnig að verða besta sundlið landsins.

Stjórn SK 2010.

Ásta Gunnarsdóttir, meðstjórnandi.

Falur Helgi Daðason, formaður.

Friðrik Hrannar Ólafsson, varamaður.

Hjörðís Kristinsdóttir, gjaldkeri.

Júlíus Friðriksson, varaformaður.

Sigurbjörg Róbertsdóttir, ritari.

Sigurþór Sævarsson, varamaður.


Svala Róbertsson, varamaður.



Anthony Kattan við Gullfoss



Steindór kvaddur



Hólmfríður, Jóhanna Júlíá, Ólöf Edda og Íris Dögg á lokahófi AMÍ. Settu telpnamet í 4 x 100 m fjórundi



Teygt eftir erfiða æfingu á Benidorm



Hressir krakkar á ÍA leikum



Sigur á Gullmóti KR

## Íslandsmeistarar Keflavíkur í sundi 2010.

### Íslandsmeistaratitlar á ÍM50 2010:

Davíð Hildiberg Aðalsteinsson. 200 metra baksund, 50 metra baksund.

### Íslandsmeistarar á AMÍ 2010:

Baldvin Sigmarsson, Birta María Falsdóttir, Einar Þór Ívarsson, Hólmfríður Rún Guðmundsdóttir, Íris Dögg Ingvadóttir, Íris Ósk Hilmarsdóttir, Jóhanna Júlíusdóttir, Lilja Ingimarsdóttir, Ólöf Edda Eðvarðsdóttir, Soffía Klemenzdóttir, Stefán Örn Ólafsson, Þróstur Bjarnason.

### Íslandsmót Garpa:

Sigmar Björnsson. 100 metra bringusund, 200 metra bringusund og 100 metra fjórsund.

## Afrekaskrá Sunddeildar Keflavíkur og ÍRB

Afrekaskráin er á heimasíðu deildarinnar, <http://www.keflavik.is/Sund/Keppni/Met/>